

Geschichte aus der Stadt: Nachbarn eine neue Figur

S.9

Steckbrief

Name: Anna

Alter: 65

Beziehung zu Esthi: Nachbarin die über ihr wohnt und haben früher zusammen Trommel gespielt

Familie: wohnt alleine

Beruf:

Anna geht runter zu Esthi.

Anna: Hey du i ha ghört, dass du wieder Trummele spielsch und bi grad abe ko. Üeb sch flissig für d Fasnacht?

Esthi: Oh hey du ja ja i üeb flissig für d Fasnacht. Willsch villicht iine ko und mit mir e Tee trinke?

Anna: Oh jä liebend gärn.

Anna geht ins Esszimmer. Anna setzt sich auf einen Stuhl und Esthi geht in die Küche, um Tee zu machen.

Esthi: Was für e Tee wötsch?

Anna: Mach mir e Grüentee.

Etwas später kommt Esthi mit den zwei Tees und setzt sich hin.

Esthi: Und wie gots dir?

Anna: Oh mir gots guet und dir?

Esthi: Mir gots zum Teil guet

Anna: Oh wieso nur zum Teil?

Esthi: Jo wägem Trummle spiele bin i müed.

Anna: Und händ ihr scho alli zämme für d Fasnacht güebt? Und sin au neu in Gruppe ko?

Esthi: Jä, mir hän scho e paar mol zämme güebt und s sin au 4 Neui: 2 Fraue und 2 Männer in unserer Gruppe. Du kennsch jo sicher no d Steffi, dären ihre Brueder spilt jetzt bi uns mit.

Anna: Ah jo i weiss no, die alti Fründin Steffi, gots ihre guet?

Esthi: Jä, ihre gots guet und di hät gseit, dass i dir e schöne Gruess sage söt.

Anna: Ah okay.

Esthi: Wieso machsch nit wieder mit bi uns? Mir würden uns riesig freue.

Anna: Ah ich bi z'alt für do mit z mache. Ihr händ jo gnueg Lüt in eurer Gruppe.

Esthi: Hey hesch du die Nochbere gseh, wo am Ipacke sin. Dängsch, die ziehn us?

Anna: I ha sie scho paar mol beobachtet und es gseht so us, als wänn sie usziehe.

Esthi: VERDAMMISIECH! PFÜDI!

Anna: Was isch denn los? Häsch di am Tee verbrennt. I ha mi scho oft am Tee verbrennt und weiss, wie das weh macht.

Esthi: Nei nei, i ha mi am Tisch agschlage. Iha welle mini Bei übereinander mache und dr bi han ich mi aagschlage. Weisch wieni die Wohnig becho ha? I ha em Vermieter gseit, dir, loset, i bi schwanger.

Anna: jöö! Wie alt isch denn dä Bueb jetzt? Oder isch`s e Meitli gsi? Wie gots dend ihre oder ihm jetzt? Das han i nid gwüsst. Wieso häsch mir das nie gseit?

Esthi: Bini natürlech nit gsi, schwanger, chasch danke. Wege däm han i`s dir nit gseit gha.

Anna: Oh du böses Meitli. Was du alles machsch für e Wohnig. Hät är das den nit mol use gfunde?

Esthi: U de het r mi eines Tages abpasst, im Stägehus, u het mi gfragt, wie passiert seigt. Ui, dä Blick, dä hani lang vorem Spiegu güebt. 20 Jahr wohni hie, gloubsch du mir das überhoup.

Anna: Du wohnsch do sit 20 Jahr und er weiss das immer no nit. Respäkt! Das isch jo ungläublich! I wohn scho sit 10 Jahr am glichen Ort, und mi Vermieter weiss zimli vil über mi.

Blick durch s Fenster in die benachbarte Liegenschaft:

Esthi: U die beide? Lueg se dr a. Die hei sich früsch trennt, da würdi aues druf wette. Die packe ihres Züg aus gäb`s kes Morn.

Anna: Nei i glaub nit, dass die sich trennt hän. Sie gsehn so glücklich us und i glaub, das isch normal bi junge Mensche so schnell iizpacke. Was hän si sich döt zum Ässe bstellt?

Esthi: Löh sich Sushi la cho vom Velokurier. U vo wo isch dä Fisch? I wett`s nid wüsse. I weiss nur, dass dä Velokurier ke schlächte Fisch isch.

Anna: Da bi ni dr gliche meinig wie du. I würd nie Sushi bstelle. I find s eifach hässlich.

HALLO! WEIT IHR LEHRE TRUMMLE? SCHEISSE!

Licht bei Johannes und Pascale aus.

Esthi: Lueg se dr a. I schwör, i ha die nit eis Mau gseh. Du weisch was i meine.

Anna: Du meinsch du häsch sie nie gseh bim Ässe? Das han i au nie gseh.

Esthi: Nei, nei, i meine nit bim Ässe. U i gseh ja nid nur i d`Chuchi.

«Reichs du mir die Soyasauce? Merci» - «Komm wir gehen heute früh schlafen! Ja, Schatz» -
«Die haben heute meinen Lohn überwiesen, gehen wir am Wochenende nach Brüssel?»

Esthi: I ha frieher immer zum Jacques gseit: Chumm mir hole üs a Börek am Wettsteinplatz.

Anna: Sind ihr immer zämme dött aane gange??

Esthi: Dr Fuess isch sis Problem gsi.

Anna: Ah so. Und wie isch es jetzt?

Esthi: Zerscht dr Fuess. U när dr Rücke. U när vo obe abwärts, bis er im Roustueh isch
gsässe. Dr Jacques im Roustueh.

Anna: Dr Jacques im Roustueh? Oh nei, das isch jo scho öppis anders.

Esthi: Het komisch usgseh. Är het sogar no sitzend Tennis gspiut, sitzend, VERDAMMTE
KACK!

Anna: Was isch? Häsch di scho wieder a gschlage?

Esthi: Nei, Nei. Das hesch du aues nid miterläbt. Was du aues verpasst häsch. Früeher si mir
no jede Tag a Rhy. FUCK! Aues angere hei mir scho lang nüm gmacht. Aber jede Abe a Rhy,
das symer.

Anna: Jä das symer. Was mir scho nüm mache, will mir zu alt sin. Weissch no was mir aues
gmacht hän?

Esthi: Jä. Ga Schwümseckzeue. Ga Lüt beobachte Ga d' Blütteler benote. U wenn es Turnier
isch gsi, abe zu de Tennisplätz.

...